



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), razmatrajući Nacrt zakona o radu Brčko distrikta Bosne i Hercegovine, Skupština Brčko distrikta BiH, na I. nastavku 43. redovne sjednice, održanom 15. marta 2019. godine, donosi

O D L U K U

O ODRŽAVANJU JAVNE RASPRAVE O NACRTU ZAKONA O RADU BRČKO DISTRIKTA BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o radu Brčko distrikta Bosne i Hercegovine.

Član 2

Nosioci aktivnosti provođenja javne rasprave su Komisija za rad, zdravstvo i socijalnu zaštitu Skupštine Brčko distrikta BiH i Odjeljenje za zdravstvo i ostale usluge Vlade Brčko distrikta BiH.

Član 3

Zadužuju se Stručna služba Skupštine Brčko distrikta BiH i Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH www.skupstinabd.ba i web-stranici Vlade Brčko distrikta BiH www.bdcentral.net.

Član 4

Javna rasprava održat će se **2. i 9. aprila 2019. godine** u Domu kulture, s početkom **17 sati**.

Član 5

Finansijska sredstva za organizovanje i provođenje javne rasprave obezbijedit će Vlada Brčko distrikta BiH.

Član 6

Nakon sprovedene javne i stručne rasprave Komisija za rad, zdravstvo i socijalnu zaštitu Skupštine Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

Član 7

Zapisnici s javne rasprave dostavit će se poslanicima Skupštine Brčko distrikta BiH, Komisiji za rad, zdravstvo i socijalnu zaštitu Skupštine Brčko distrikta BiH, Zakonodavnoj komisiji Skupštine Brčko distrikta BiH, gradonačelniku Brčko distrikta BiH i Odjeljenju za zdravstvo i ostale usluge Vlade Brčko distrikta BiH, prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-554/19

Brčko, 15. 3. 2019. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za rad, zdravstvo i socijalnu zaštitu
- 5) Zakonodavnoj komisiji
- 6) Odjeljenju za zdravstvo i ostale usluge
- 7) Sektoru za opšte poslove i strateško planiranje
- 8) Arhivi